
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՆԿԱԽՈՒԹՅԱՆ ՈՒՂԻՆ
(Անկախության 90-ամյակի առթիվ)

ԱՐԱՐԱՏ ՀԱԿՈԲՅԱՆ

Առաջին աշխարհամարտը և 1917 թ. ոռոսական հեղափոխություններն արմատական տեղաշարժեր ու փոփոխություններ առաջացրին ինչպես ամբողջ կայսրության, այնպես էլ Անդրկովկասի ու Հայաստանի հասարակական-քաղաքական կյանքում։ Երբեմնի հզոր Ռուսական կայսրության հիմքերը թուլացան։ Տեղի ունեցավ ազգային ինքնազիտակցության աճ։ Բուռն վերելք ապրեց նաև հայ ազգային կյանքը։ Այս առնչությամբ սոցիալ-դեմոկրատ (մենշևիկ) Գ. Ղարաջանը գրում էր, որ երկրամասում ազգային գործոնն ավելի ուժեղ թափով արտահայտվեց, քան սոցիալականը¹։

Կարելի է ասել, որ Փետրվարյան հեղափոխության հայթանակով, հայ ժողովրդի ու նրա քաղաքական ուժերի կամքից ու մտայնությունից անկախ, սկսվեց Հայաստանի անկախության անտեսանելի գործընթացը։ Հայտնի է, որ մի քանի տասնամյակ շարունակ (Հայկական հարցի միջազգայնացումից ի վեր) հայ ժողովրդի և նրա քաղաքական շրջանների հիմնական ձգտումը Տաճկահայաստանի ազատագրումն էր սուլթանական բիրս լծից, սակայն աշխարհավեր պատերազմն իր չարաղես հետևանքներով հանգեցրեց նրան, որ Ռուսահայաստանը կանգնեց ազատության և անկախության փաստի առաջ։ «Անկասկած, – գրում է Հ. Իրազեկն իր հուշերում, – համաշխարհային առաջին պատերազմն և Ռուսական հեղափոխությունը եղան Հայաստանի ազատության ծնող մայրը»²։

Հետփետրվարյան շրջանում դասակարգային իշխանության մարմինների կողքին առաջացան նաև ազգային իշխանության ձևեր։ Հայ հասարակական-քաղաքական կյանքում նշանակալի իրադարձություն եղավ 1917 թ. սեպտեմբեր-հոկտեմբերին բազմակուսակցական հիմունքներով արևելահայերի համագումարի (համախորհրդակցության) իրավիրումը։ Քննելով օրախնդիր բազում հարցեր՝ համագումարը միաժամանակ առաջ քաշեց ազգային պետականության գաղափարը և անհրաժեշտության դեպքում դրան պատրաստ լինելու իրամայականը։ Այդ կապակցությամբ համագումարն ընդունեց հետևյալ քանաձնը։ «Ընդունելով ազգերի ինքնորոշման իրավունքը հայ ժողովուրդը պիտի ձգտի իրականացնել իր այդ իրավունքը պետականության հիմունքներով ու սկզբունքներով (ընդգծումը մերն է – Ա. Հ.), անդրկովկասյան ժողովուրդների դեմոկրատիա-

¹ Գ. Ղարաջան. Անդրկովկասի քաղաքական կյանքը. 1918 թ., Թիֆլիս, 1919, էջ 16.

² Հ. Իրազեկ (Հակոբ Մակարյան Տեղականության պատասխանակատար), 1956, էջ 3:

յի փոխադարձ համաձայնությամբ»³: Ստեղծվեց Հայոց (Կենտրոնական) ազգային խորհուրդ, որը, որպես արևելահայ կյանքի գերազույն գործադիր մարմին, իր առաջին քայլերն սկսեց անել ազգային պետականության գաղափարի նյութականացման ուղղությամբ:

Հարկ է նշել, որ մինչ այդ հայերն իրենց կուսակցությունների հետ արտահայտվում էին ուստական համապետականության օգտին՝ աշխատելով «իրենց ազգային ձգությունները հաշտեցնել համառուսական պետական շահերի հետ»⁴: Հետփետրվարյան շրջանում հայությանը մտահոգում էր երկու խնդիր՝ Ռուսաստանի օգնությամբ լուծել մեծապես հայարափի եղած Թուրքահայաստանի հարցը և Անդրկովկասում անցկացնել վարչական վերաբաժանում ազգագրական սկզբունքով: Միաժամանակ հայ ազգային կուսակցությունները արտահայտվում էին Անդրկովկասի ու Հայաստանի լայն ինքնավարության օգտին՝ Ռուսաստանի դաշնային դեմոկրատական հանրապետության կազմում: Հայ հասարակական-քաղաքական գրեթե բոլոր ուժերը ցուցաբերում էին ընդգծված ուստական քաղաքական կողմնորոշում: Արևելահայությունը մեծ ձգություն ուներ բռնելու «ուստական փեշից», «քայլ այդ փեշը, Դ. Անանունի պատկերավոր բնորոշմամբ, հակառակ հայության բուռն փափազին՝ ինքը դուրս սորաց նրա ձեռքից»⁵:

1917 թ. հոկտեմբերյան հեղաշրջումից հետո դրությունն ավելի բարդացավ: Կայսրության առանձին երկրամասեր, այդ թվում Անդրկովկասը, դուրս մնացին նորաստեղծ խորհրդային կառավարության (Կենտրոնի) հսկողությունից: Կազմակերպության մատնված ՕԶաԿոմ-ին փոխարինեց 1917 թ. նոյեմբերի 15-ին ստեղծված Անդրկովկասան կոմիսարիատը՝ իբրև երկրամասի գործադիր իշխանություն, իսկ 1918 թ. փետրվարի 10-ին բացվեց նաև Անդրկովկասի խորհրդարանը (Սեյմը)՝ իբրև օրենսդիր մարմին: Իրադարձությունների բերումով սկսվեց Անդրկովկասի աստիճանական մեկուսացումը Ռուսաստանից: Միաժամանակ Անդրկովկասի կոմիսարիատի և Սեյմի գոյության առաջին իսկ օրերից երևան եկան երկրամասի երեք զիլսավոր ազգային հատվածների (Վրացի, հայ, կովկասյան թուրք՝ աղբբեջանցի) ձգությունների ու շահերի ներհակությունները: Այն ավելի բացահայտ դրսնորվեց 1918 թ. սկզբներից թուրքական զորքերի հարձակման պայմաններում:

Ռուսական հեղափոխությունների հետևանքով քայլայվեց ուստական բանակը, կազմակերպվեցին ռազմաձականաները, այդ թվում՝ Կովկասյանը: Օգտվելով նպաստավոր հանգամանքից և խախտելով 1917 թ. դեկտեմբերի 5-ին ստորագրված թուրք-անդրկովկասան զինադադարը՝ 1918 թ. հունվարի վերջին թուրքական զորքերն անցան լայնամասշտաբ հարձակման Կովկասյան ամբողջ ռազկաձականությունը: Մեկ-երկու ամսում թուրքերը վերագրավեցին ողջ Արևմտյան Հա-

³ «Բաներ Հայաստանի արխիվների», 1992, թիվ 1-2, էջ 77:

⁴ Ս. Վ. Պ ա ց յ ա ն. Հայաստանի Հանրապետություն, Բեյրութ, 1958, էջ 18:

⁵ Ս. Հ ա կ ո բ յ ա ն. Հայաստանի անկախության ուղին (1917-1918 թթ.). – «Նորք», 1998, թիվ 2, էջ 64:

⁶ Դ. Ա ն ա ն ո ւ ն. Ռուսահայերի հասարակական գարզացումը (1901-1918), հ. 3, Վենետիկ, 1926, էջ 612:

յաստանը, իսկ զարնանը սկսեցին ներխուժել Անդրկովկաս ու Արևելյան Հայաստան: Օսմանյան զորքերին դիմակայող միակ իրական ուժը նոր ձևավորված Հայկական կորպուսն էր, որը, սակայն, միայնակ ի զորու չէր կասեցնել հակառակորդի առաջիշտաղացումը:

Անդրկովկասյան կոմիսարիատում և Սեյմում մեծամասնություն կազմող ազգին երկու (վրացի և կովկասյան թուրք) միավորների ներկայացուցիչները Թուրքիայի պարտադրանքով բռնեցին Անդրկովկասը Ռուսաստանից մեկուսացնելու, անջատելու և, ի վերջո, անկախացնելու ուղի: Ինչ վերաբերում է Անդրկովկասյան կառավարությունում և Սեյմում իր քաղաքական կշռով երրորդը համարվող Հ. Յաշնակցությունն կուսակցության դիրքորոշմանը, ապա պետք է ասել, որ եթե 1917 թ. աշնանը համառուսական Սահմանադրի ժողովի ընտրությունների և Անդրկովկասյան կոմիսարիատի ձևավորման փուլում կուսակցությունը խոսում էր «ազգերի ինքնորոշման» պահանջի մասին⁷, ապա արդեն 1918 թ. հունվարի վերջից թուրք-անդրկովկասյան հրադադարի խախտման և թուրքական զորքերի կովկասյան ռազմաճակատի երկայնքով հարձակման պայմաններում Դաշնակցությունն այլևս աննպատակահարմար, անզամ վտանգավոր էր համարում ինքնորոշման սկզբունքով Անդրկովկասի ու Հայաստանի անջատումը Ռուսաստանից: Այս կապակցությամբ «Հորիզոն» պաշտոնաթերթն իր փետրվարյան խմբագրականներից մեկում զգուշացնում էր, որ «Անդրկովկասի անկախությունն առնվազն թեթևամտություն է և աններելի՝ քաղաքական պատասխանատու գործիչների համար»⁸: Անդրկովկասյան կառավարության հայ անդամները և Սեյմի հայ խմբակցության ներկայացուցիչները կտրուկ դեմ էին Անդրկովկասի, առավել ևս Հայաստանի անկախությանը: Այսպես, Հ. Քաջագոնին Դաշնակցության խմբակցության անունից հանդես գալով Սեյմի նիստում (փետրվարի 15-ին) պնդում էր, որ Անդրկովկասը պետք է մնա Ռուսաստանյան դաշնակցային մեծ հանրապետության անբաժան մասը⁹:

Հայոց ազգային խորհուրդը, Սեյմի ՀՅԴ՝ 1918 թ. մարտի 3-ի Բրեստ-Լիտովսկի կողոպսից պայմանագիրը հիասթափեցրեց Անդրկովկասյան իշխանություններին: Զ. Ավալովի վկայությամբ Անդրկովկասի անջատմանը քափ հաղորդեցին Բրեստ-Լիտովսկի պայմանագրով Բարումի և Կարսի հանձնումը թուրքերին¹⁰:

⁷ «Հորիզոն», 26. XI. 1917 (ի դեպ, այդ մույնության թելադրանքով էր, որ հայ քաղաքական գործիչները կազմեցին «Թուրքահայաստանի ինքնորոշման մասին» դեկրետի նախազիծը):

⁸ «Հորիզոն», 25. II. 1918:

⁹ «Կավկազու լուսադրություն», 17. II. 1918.

¹⁰ 3. А в а л о в. Независимость Грузии в международной политике 1918–1921 гг. (Воспоминания. Очерки). Париж, 1924, с. 12.

1918 թ. ապրիլի 9 (22)-ին Թուրքիայի պահանջով Անդրկովկասյան Սեյմը հռչակեց Անդրկովկասյան դաշնային դեմոկրատական հանրապետության անկախությունը: Թեև սկզբու հայերը բողոքեցին այդ ակտի դեմ (որովհետև նրանք ամենին մտադիր չէին մեկուսանալու և կտրվելու Ռուսաստանից՝ ամենից առաջ հաշվի առնելով թուրքական ներխուժման վտանգը), սակայն հարևան (վրացի, աղբբեջանցի և այլն) ազգային միավորներից չմեկուսանալու նպատակով, ի վերջո, հավանություն տվեցին Անդրկովկասի անկախության փաստին: Այդպես վարվեցին Սեյմի ՀՅԴ իմբակցությունը, Հայոց Ազգային Ժողովի արտակարգ նիստը, ՀՅԴ Թիֆլիսի ներկայացուցական ժողովը, սոցիալ-դեմոկրատ հայ մենշևիկները և այլք¹¹: Սեյմի հայ պատգամավորները՝ ի մասնավորի ՀՅԴ իրմակցությունը, փորձելով խուսափել մեկուսացումից, «դառնությամբ հավանություն տվեցին Անդրկովկասի անկախությանը», հակառակ պարագայում նոր կոտորածների ուրվականն ավելի առարկայական էր դառնալու¹²:

Անդրկովկասյան իշխանությունները հույս ունեին, որ երկրամասի անկախության հռչակումն իրավական հիմք կտա թուրքերի հետ խաղաղ բանակցություններ վերսկսելու և շուտափույթ հաշտություն կնքելու: Սակայն 1918 թ. մայիսի 11-ին Բաթումում սկսված թուրք-անդրկովկասյան հաշտության բանակցությունները դարձյալ արդյունք չտվեցին, քանի որ թուրքերը Բրեստ-Լիտովսկի պայմանագրից շատ ավելի կողոպտիչ պահանջներ ներկայացրին և թուրքանդրկովկասյան բանակցությունները դարձյալ մտան փակուղի: Դրան զուգահեռ թուրքական զորքերը, թույլ դիմադրության հանդիպելով, շարժվում էին Անդրկովկասի խորքերը: Բանակցությունների ձախողումը մի կողմից, թուրքերի շարունակական հարձակումը մյուս կողմից և դրան ի պատասխան՝ երկրամասը պաշտպանելու անկարողությունը Անդրկովկասյան դաշնային հանրապետությանը կանգնեցրին քաղաքական ճգնաժամի առաջ:

Հիրավի, 1918 թ. գարնանը սուր հակասություններ էին առաջացել իրեն անկախի հռչակած Անդրկովկասյան դաշնային դեմոկրատական հանրապետության թե՝ կառավարության և թե՝ խորհրդարանի (Սեյմի) ներսում: Հիմնականում վրացի, հայ և կովկասյան թուրք ազգերի ներկայացուցիչներից բաղկացած Անդրկովկասյան դաշնային իշխանության մարմիններում առկա էին ազգային-տարածքային սուր վեճեր, քաղաքական իրարամերժ կողմնորոշումներ, միջկուսակցական հակամարտություններ և այլն: Նրանց միջև չկար միասնություն պատերազմի և խաղաղության հարցում: Եթե հայերը, մասսամբ նաև վրացիները թուրքական զորքերին դիմադրելու, ինքնապաշտպանվելու փորձեր էին անում, ապա աղբբեջանցիները «աներկիմաստ, ուղղակի բացահայտ հայտարարում էին, որ իրենք չեն պատերազմի Թուրքիայի հետ»¹³: Քաղաքական կողմնորոշման առու-

¹¹ Դокументы и материалы по внешней политике Закавказья и Грузии. Тифлис, 1919, с. 215; Հայաստանի ազգային արխիվ (այսուհետ՝ ՀԱԱ), ֆ. 222, գ. 1, գ. 124, թթ. 25-33, «Հորիզոն», 11. V. 1918:

¹² Ո. Հովհաննես և այլ հայության Հայաստանի Հանրապետություն, հ. 1, Երևան, 2005, էջ 28:

¹³ Յ. Ա վ լ օ վ. Նշանական պատմություններ, էջ 44:

մով, եթե հայերը կողմնորոշված էին դեպի Ռուսաստանը, Կովկասի մահմեղականությունը՝ միանշանակ դեպի Թուրքիա, ապա վրացիներն իրենց շահերի թելադրանքով հակվեցին դեպի Գերմանիա: Պատկերավոր ասած՝ 1918 թ. զարնանը երկրամատում ստեղծվել էր կոյլովյան հայտնի առակի այն պատկերը, երբ Անդրկովկասյան դաշնային հանրապետության երեք ազգային միավորներից յուրաքանչյուրը «անդրկովկասյան սայլ» միաժամանակ քաշում էր իր ուղղությամբ: Այդ անհամաձայնությունների ու ազգային շահերի հակասությունների հետևանքով էր, որ Անդրկովկասն ի վիճակի չեղավ քիչ թե շատ դիմադրություն ցույց տալու թուրքական ներխուժմանը: Ալ. Խատիսյանի խոսքերով՝ թուրքանդրկովկասյան պատերազմը, ոչ թե պատերազմ էր, «Անդրկովկասի և Թուրքիո, այլ հայերու և թուրքերու միջն»¹⁴: Մրգած տարածայնությունների պատճուկ Անդրկովկասյան դաշնության փլուզումը դարձավ անխուսափելի: «Օր օրի վրա, – գրում է Ս. Վրացյանը, – սաստկանում էին հակամարտությունները կովկասյան ժողովուրդների միջև, որոնցից վրացիները զաղտնի, բայց տենդագին որոնում էին գերմանացիների հովանավորությունը, աղբքացանցիները բռնել էին թուրքերի վեցից և քաշում էին դեպի Բաքու, որը այդ օրերին բոլշևիկների ձեռքն էր. հայերը մնացել էին մենակ և օրհասական կրիկ էին մղում մահ ու ավեր սփռելով առաջ շարժվող թուրքական գորքերի դեմ»¹⁵:

Ստեղծված պայմաններում առաջինը վրացիները սկսեցին ուղիներ փնտրել դուրս գալու ծանր կացությունից: Նրանք ոչ տրամադիր էին պատերազմել թուրքերի դեմ և ոչ էլ ի վիճակի էին: Դա ակներն դարձավ 1918 թ. ապրիլի 1-ին Բարումի անկումից հետո: Դեռևս մարտի վերջերին Անդրկովկասի կառավարության վրաց հատվածը և քաղաքական շրջանները զաղտնի թե բացահայտ ուղիներ էին փնտրում գտնելու մի հովանավոր պետություն և նրա օգնությամբ դուրս գալու պատերազմական վիճակից: Եվ այդպիսի ամենահավանական պետությունը դարձավ Օսմանյան Թուրքիայի դաշնակից Կայզերական Գերմանիան: Ալ. Խատիսյանն իր հուշերում գրում է. «Տրապիզոնի խորհրդաժողովի վերջին օրերուն Տրապիզոն եկան երեք խորհրդավոր գերման սպաներ, որոնք այցելություն տվին Չիննելելիին: Վերջինս պաշտոնապես ոչինչ բայց պատվիրակության այդ այցելության մասին, բայց անպաշտոն կերպով հայտնեց ինձ, որ եկողները մասնավոր մարդիկ են, շահագրգուշած Զիաստուրիի մանկանեզով»¹⁶:

Վրաց-գերմանական հարաբերություններն ավելի իրական հողի վրա դրվեցին արդեն մայիսի կեսերից, երբ Վրաստանի ու Անդրկովկասի ռազմաքաղաքական վիճակն ավելի էր բարդացել: Վրաց քաղաքական դեկավարներն իրենց երկրի փրկության հույսը կապեցին Գերմանիայի օգնության հետ: Դա համբնեցնում էր նաև վերջինիս շահերին, քանի որ տնտեսական, հաղորդակցության միջոցների տեսակետից Վրաստանն ուներ գրավչություն, մի բան, որ պակասում էր Հայաստանում: Բաթումի խորհրդաժողովի մասնակից, խորհրդական Զ. Ավալովը

¹⁴ Ա. Խ. Խ ա տ ի ս յ ա ն. Հայաստանի Հանրապետության ծագումն ու զարգացումը, Բեյրութ, 1968, էջ 52:

¹⁵ Ս. Վ ա ց յ ա ն. Հայաստանի Հանրապետություն, Բեյրութ, 1958, էջ 146:

¹⁶ Ա. Խ ա տ ի ս յ ա ն. նշվ. աշխ., էջ 53:

հավաստում է, մայիսի 21-ին սկսեցին գաղտնի բանակցություններ, հանդիպումներ Գերմանիայի պատվիրակության և Թիֆլիսից Բաթում ժամանած Վրաստանի Ազգային խորհրդի նախագահ, Անդրկովկասի սոցիալ-դեմոկրատ (մենշևիկների) առաջնորդ Ն. Ժորդանիայի, Բաթումում գտնվող Ս. Չիենկելու և վրացի այլ պաշտոնատար անձանց միջև¹⁷: Ն. Ժորդանիայի ներկայացուցիչներից (ֆոն Լուսվ. կոմս Շուկենբուրգ, ֆոն Կրես) սկզբունքորեն երաշխիքներ ստացավ Վրաստանի անկախության և տարածքային ամրողականության վերաբերյալ ու հաջորդ օրը՝ մայիսի 22-ին, վերադարձավ Թիֆլիս: Հետագա օրերին՝ մայիսի 23, 24, 25-ին, ևս շարունակվեցին վրաց-գերմանական անդրկույթային բանակցությունները, որոնք տվեցին իրենց պատուղները: Գեներալ ֆոն Լուսվը, փաստորեն, բանակցելով վրացիների հետ Վրաստանի անկախությունը պաշտպանելու երաշխիքով, մայիսի 25-ի երեկոյան Բաթումից նավով մեկնեց Փոթի, այնտեղից էլ՝ հայրենիք: Արդեն ծրագրվել էր, որ մայիսի 26-ին հոչակվելու էր Վրաստանի անկախությունը: Նախագծվեց մի ժամանակավոր համաձայնագիր, որը, պայմանավորվածության համաձայն, ստորագրվեց մայիսի 28-ին Փոթիում արդեն նորանկախ Վրաստանի վարչապետ Ն. Ռամիշվիլու և գեներալ ֆոն Լուսվի միջև¹⁸: Միաժամանակ կնքվեցին տնտեսական բնույթի մի շարք փաստաթղթեր: Վրաստանը ստանում էր անկախության և անվտանգության երաշխիք՝ Գերմանիայի հովանու ներքո, բացի այդ՝ Վրաստանը ճանաչում էր Բրեստի պայմանագրի պայմանները, իսկ դրա դիմաց Գերմանիան իրավունք էր ստանում օգտվելու վրացական երկարությներից, նավահանգիստներից, այլ ենթակառուցվածքներից, հանքահումքային ռեսուրսներից¹⁹:

Հավաստի տվյալներ կան, որ դեռ Վրաստանի անկախության հոչակման նախօրյակին՝ մայիսի 25-ին, Ալյոշի սոցիալ-դեմոկրատական խմբակցության խոսնակ Ի. Ծերեթելին մահմեղական (աղբբեջանական) խմբակցության դեկավորներին տեղեկացրել էր Վրաստանի անկախիանալու մասին: Դրանից հետո մահմեղականները ևս ձեռնամուխ են լինում Աղբբեջանի անկախացման գործնթացին, բնականաբար, ստանալով թուրքիայի հովանավորությունը²⁰:

Անել վիճակում են հայտնվում Բաթումի հայ պատվիրակները: Հայոց Ազգային խորհրդի գիտությամբ որոշում են վրացիների օրինակով ապավինել գերմանացիների հովանավորությանը: Սակայն ֆոն Լուսվը հայտնում է, որ թուրքերն իրենց չեն լսում և հայերին խորհուրդ է տալիս պատվիրակություն ուղարկել Գերմանիա:

Այսպիսով, մայիսի 26-ի առավոտյան և՝ քաղաքական, և՝ գործնական-փաստաթղթային առումներով նախապատրաստվել էր Վրաստանի անկախության հոչակումը: Բնքնին հասկանալի է, որ Վրաստանի անկախությունը նշանակում էր Անդրկովկասյան դաշնային հանրապետության քայլայում:

¹⁷ Յ. Ա վ օ վ. Նշվ. Աշխ., էջ 56:

¹⁸ Նույն տեղում, էջ 63, 65, Ո. Հ ո վ հ ա ն ն ի ս յ ա ն. Նշվ. աշխ., հ. 1, էջ 32:

¹⁹ Գ. Վ. Պ ի պ յ. Политика Германии в Закавказье в 1918 году. Сборник документов. Тбилиси, 1971, с. 14–15, 34–41, 75–99 и др.

²⁰ Ո. Հ ո վ հ ա ն ն ի ս յ ա ն. Նշվ. աշխ., հ. 1, էջ 31:

1918 թ. մայիսի 26-ի կեսօրին (ժամը 3-ին) գումարվեց Անդրկովկասյան Սեյմի վերջին նիստը: *Սոցիալ-դեմոկրատ խմբակցությունը* (ղեկ. Ի. Շերեթելի) առաջարկ մտցրեց Սեյմի արձակման և Անդրկովկասյան դաշնային հանրապետության կազմալուծման մասին: Սեյմը ձայների ճնշող մեծամասնությամբ ընդունեց հետևյալ քանաձևը. «Պատերազմի ու խաղաղության հարցում Անդրկովկասյան դաշնային հանրապետություն կազմող ժողովուրդների միջև ծագած արմատական տարածայնությունների պատճառով Սեյմը հայտարարում է Անդրկովկասի Հանրապետությունը լուծարված և վայր է դնում իր լիազորությունները»²¹:

Նույն օրը՝ ժամը 5-ին, նույն դահլիճում վրաց Ազգային խորհուրդը՝ Ն. Ժորդանիայի նախագահությամբ, նախապես ստանալով Գերմանիայի հովանավորությունը, մեծ հանդիսավորությամբ Վրաստանը հռչակեց անկախ: Վրաստանի անկախության հռչակումից անակնկալի զալով, պատմական այդ նույն օրը՝ մայիսի 26-ի երեկոյան գումարվեց նաև Հայոց Ազգային խորհրդի նիստ, որում, չնայած վրաց մենշևիկների դեմ ուղղված բողոքներին ու դժգոհություններին, այնուամենայնիվ, վերաբերմունք ցույց տալով Վրաստանի անկախությանը, այն ընդունվեց որպես կատարված փաստ: Միաժամանակ Ազգային խորհուրդն իր վրա վերցրեց հայկական շրջանների նկատմամբ ժամանակավոր կառավարության ֆունկցիաները²²:

Հաջորդ օրը՝ մայիսի 27-ին (ըստ U. Վրացյանի՝ մայիսի 26-ին), ՀՅԴ Թիֆլիսի ներկայացուցական ժողովի և թաղային կոմիտեների անդամների համատեղ-արտակարգ նիստում, լսելով ներկա պահի, Սեյմի արձակման և Վրաստանի անկախության հայտարարության մասին հարցերը, ընդունվեց հետևյալ բանաձեռ. «Ի նկատի առնելով այն, որ Անդրկովկասյան սեյմի ինքնացրումից և Վրաստանի՝ անկախություն հայտարարելոց հետո լուծվելու է Անդրկովկասյան կառավարությունը, և հայ ժողովուրդը մնալու է բախտի բերմունքին՝ ներկայացուցական ժողովը գտնում է անհրաժեշտ, որ Հայոց Ազգային խորհուրդը, ուժեղացնելով իր կազմը, անցնի գործելու հայության կենտրոնում՝ ստանձնելով կառավարական ֆունկցիաներ՝ օժտած դիկտատորական իրավունքներով հայկանքի բոլոր երևոյթների և գործերի նկատմամբ»²³: Այդ նշանակում է, որ ՀՅԴ-ն, որն մինչ այդ թե՝ իր ծրագրերով և թե՝ իր գործելակերպով արտահայտվում էր ուստական համապետականության օգտին՝ բավարարվելով միայն Ռուսաստանի կազմում ինքնավարության պահանջով, այժմ Ռուսաստանում և Անդրկովկասյում ծավալվող պատմաքաղաքական դեպքերի ու իրադարձությունների տրամաբանությամբ ինքնարերարար կանգնում է անկախ պետականության գաղափարի նյութականացման փաստի առաջ:

Այն բանից հետո, երբ մայիսի 27-ին մահմեղականների (աղքածանական) Ազգային խորհուրդը, իհամբ ունենալով Անդրկովկաս ներխուժած իր ցեղակից Թուրքիայի անվերապահ աջակցությունն ու հովանավորությունը, հայտարարեց

²¹ Документы и материалы по внешней политике Закавказья и Грузии. Тифлис, 1919, с. 330.

²² *ZUU*, §. 222, g. 1, q. 120, pp. 36–37:

²³ «Հորիզոն», 29. V. 1918: U. Վ թ ա ց լ ա ն. նշվ. աշխ., էջ 152:

Արևելակովկասյան մուսուլմանական հանրապետության (ԱԿՄՀ) անկախության մասին, որն, ի դեպ, հենց այդ ժամանակ թուրքերն առաջին անգամ կոչեցին «Աղբքաջան», Հայոց Ազգային խորհրդին այլ քան չէր մնում, քան կողմնորոշվել դեպի Հայաստանի անկախությունը: «Ընտրություն անելու տեղ չէր մնացել, – մտորում էր Հ. Քաջազնունին ճակատագրական այդ օրերի մասին, – պատմությունը բերել կանգնեցրել էր մեզ մի որոշ գծի առջև. պետք է հանդգնություն ունենայինք անցնել վրայից, եթե չինք ուզում խորտակվել: Պետք է տեր դառնայինք մեր հայրենիքին, ապա թե ոչ կլորցնեինք այն՝ գուցե անդառնալիորեն: Եթե տատանվեինք, եթե ուշացնեինք մեր հայտարարությունը, Հայաստանը կմնար res nullius (ոչ ոքի չպատկանող իր) ու իրքի այդպիսին բաժին կդառնար հարևաններին՝ թուրքերին, վրացիներին, աղբքաջանցիներին»²⁴:

Սայիսի 27-ի երեկոյան նիստում ստեղծված կացության մասին հանգամանալի գեկուցում տվեցին Բաթումից նոր վերադարձած հայ պատվիրակներ Հ. Քաջազնունին և Ալ. Խատիսյանը: Նրանք նույնպես ելքը տեսնում էին Հայաստանի անկախության հոչակման մեջ:

Անկախության խնդիրը քննարկվեց Ազգային խորհրդի մայիսի 28-ի նիստերում (առավոտյան և երեկոյան): Այդ օրը պետք է պատասխան տրվեր նաև Բաթումում մայիսի 26-ին թուրքերի կողմից Հայաստանին ներկայացրած վերջնագրին, քանի որ հաջորդ օրը լրանում էր դրա ժամկետը: Բուռն քննարկումներից հետո Հայոց ազգային խորհուրդը որոշեց ընդունել թուրքերի վերջնագիրը՝ Բաթում գործուղել նոր պատվիրակություն՝ Ալ. Խատիսյան, Հ. Քաջազնունի, Ա. Պապաջանյան կազմով, տալով նրան անսահմանափակ լիազորություն՝ բանակցելու և Անկախ Հայաստանի անունից կնքելու հաշտություն: Սակայն անկախության պաշտոնական հայտարարության հարցը առայժմ հետաձգվեց, չնայած այդ օրը անկախության կողմնակիցները խորհրդում արդեն ունեին մեծամասնություն:

Հաջորդ օրը՝ մայիսի 29-ին, գումարվեց ՀՅԴ Արևելյան և Արևմտյան բյուրոների, ՀՅԴ Թիֆլիսի ԿԿ-ի և Սեյմի ու Հայոց ազգային խորհրդի դաշնակցական ներկայացուցիչների միացյալ նիստը: Այսուղեւ մեկ անգամ ևս քննության առնվեց քաղաքական կացությունը և որոշվեց Հայաստանը հայտարարել անկախ հանրապետություն: Միաժամանակ որոշվեց կազմել կառավարություն՝ միջկուսակցական սկզբունքով, ինչպես նաև Ազգային խորհուրդն ու նորակազմ կառավարությունը տեղափոխել Երևան, որը պետք է դառնար Հայաստանի Հանրապետության մայրաքաղաքը: Այդ նույն նիստում Հ. Քաջազնունին առաջարկվեց կառավարության նախագահի (վարչապետի) թեկնածու²⁵:

Միայն դրանից հետո՝ մայիսի 30-ին, Հայոց ազգային խորհուրդը կատարեց վճռական քայլը՝ որոշեց հայտարարություն անել Հայաստանի անկախության մասին: Հանձնարարվեց Ն. Աղբայանին մշակել Հայաստանի անկախության պաշտոնական հայտարարագիրը (հոչակագիրը): Հոչակագրի տեքստն ընդուն-

²⁴ Հ. Ք ա զ ա զ ն ո ւ ն ի. Հ. Յ. Դաշնակցությունը անելիք չունի այլն, Երևան, 1994, էջ 23–24:

²⁵ Հ. Ի ր ա զ ե կ. նշվ. աշխ., էջ 35, Ա. Վ ր ա ց յ ա ն ն. նշվ. աշխ., էջ 153:

վեց Հայոց ազգային խորհրդի կողմից, իսկ մայիսի 31-ին այն լույս տեսավ մամուլում: Նրանում ասվում էր. «Անդրկովկասի քաղաքական ամբողջության լուծարումով և Վրաստանի ու Ադրբեյջանի անկախության հռչակումով ստեղծված նոր կացության հանդեպ՝ Հայոց ազգային խորհուրդը իրեն հայտարարում է հայկական զավառների գերազույն և միակ իշխանություն: Որոշ ծանրակշիռ պատճառներով թողնելով մոտիկ օրերում կազմելու հայոց ազգային կառավարություն՝ Ազգային խորհուրդը ժամանակավորապես ստանձնում է կառավարական բոլոր ֆունկցիաները՝ հայկական զավառների քաղաքական և վարչական ղեկրպարելու համար»²⁶:

Եվ քանի որ մայիսի 28-ին (երեքշաբթի) Հայոց ազգային խորհուրդը վճիռ կայացրեց Բաթում ուղարկել նոր պատվիրակություն և Անկախ Հայաստանի անունից քանակցել ու հաշտություն կնքել Թուրքիայի հետ, այդ իսկ պատճառով «Մայիսի 28-ը» հայոց պատմության մեջ մտավ որպես Հայաստանի անկախության օր: Իսկ երկու օր անց՝ մայիսի 30-ին, ընդունված հայտարարագիրը եկավ պաշտոնական ձևակերպում տալու այդ ակտին:

Հոչակագրում քաղաքական և հոգեբանական որոշակի գործոնների թելադրանքով թե կոնկրետ չէր խոսվում անկախության մասին, սակայն դիվանագիտական մոտեցմամբ ձևակերպված այն միտքը, որ Հայոց Ազգային խորհուրդն իրեն հայտարարում է հայկական զավառների գերազույն և միակ իշխանությունը, դա ինքնաստինքյան նշանակում էր Հայաստանի անկախության հոչակում։ Բացի այդ, հայտարարագրում հեռատեսորեն մատնանշվում է «հայկական զավառներ» հասկացությունը, որի տակ հասկացվում են Անդրկովկասի նահանգներում գտնվող հայաբնակ բոլոր զավառները, այդ թվում՝ Նախիջևանը, Զանգեզուրը, Ղարաբաղը, Գանձակի հայկական շրջանները, Լոռին, Զավախը, Թուրքական գորքերի կողմից ռազմակալած Երևանի նահանգի մի շարք զավառները և Կարսի մարզը «Հայկական զավառներ» անվան տակ տրամադրանորեն կարելի է հերքուրել, որ անզամ նկատի էր առնվում արևմտահայ զավառները։

Հարկ է նշել, որ մայիսի 28-ին Թիֆլիսում Արամյանցի տանը Հայաստանի անկախության մասին վճիռը կայացվել է խորհրդի անդամների բուռն քննարկումների և խոռվահույզ տրամադրությունների պայմաններում։ Սակայն, ինչպես վկայում է Ալ. Խատիսյանը, Ազգային խորհուրդը ներկայացնող գրեթե բոլոր կուսակցությունների խմբակցությունները, ի վերջո, հանգեցին անկախության գաղափարին և «անկախության բանաձևը ընդունվեց Ազգային խորհրդի բոլոր կուսակցությունների համաձայնությամբ»²⁷։ Մայիսյան այդ ծանր օրերին Հայոց Ազգային խորհուրդը ներկայացնող քաղաքական ուժերը հանդես եկան գրեթե միասնական, ինչը պայմանավորված էր արտաքին վտանգով ու առաջին հերթին թուրքական մահարեր ներխուժմամբ։ Կնշանակի՝ 1918 թ. մայիսին՝ ճակատագրական այդ իրադարձությունների ժամանակ, Ազգային խորհուրդը ներկայաց-

²⁶ ЗУУ, № 222, г. 1, ч. 120, стр. 59-60, «Знамя», 31. V. 1918, “Кавказское слово”, 31. V. 1918.

²⁷ *U* *L*. *Iu* *w* *u* *h* *u* *j* *w* *ñ*. *ñ* *ç* *q*. *w* *ç* *h* *u*., *k* *g* 84:

նող կուսակցությունները և անկուսակցական ներկայացուցիչները ցուցաբերել են ազգային համախմբման ու միասնության վառ օրինակ:

Իհարկե, Ազգային խորհրդի շատ անդամներ երկշուր ու թերահավաս զգացումով էին համակված անկախության հանդեպ: Անկուսակցական և էսէռ անդամներից զատ՝ դաշնակցականներ Ա. Սիարոնյանը, Ռ. Տեր-Մինասյանը և Ա. Բաբայանը ևս տարակուսում էին անկախության ինդրում: Այդ մտավախությունը պետք է բացատրել 1918 թ. գարնանը, թուրքական աղետալի արշավանքի պայմաններում, հայ ժողովրդի համար ստեղծված քաղաքական չափազանց բարդ վիճակով, որի ժամանակ, ըստ Ա. Վրացյանի. «անկախությունը կարող էր ավելի ևս ծանրացնել կացությունը»²⁸: Ակզրում անկախության փաստը չընդունող գործիչներից Ա. Բաբայանն իր դիրքորոշումը հիմնավորում էր նրանով, որ «մնալով միանգամայն մենակ և շրջապատված թշնամիներով ու անբարյացակամ տարրերով, անկախության հայտարարությամբ մենք կարող էինք մեծապես վնասել մեր ժողովրդի ֆիզիկական անկայուն գոյությանը և նոր կոտոր ածների ու գրավումների տեղի տալ»²⁹: Անկախության հարցում առարկողները չունեին գործնական առաջարկ, բացի բողոք-դժգոհություններ արտահայտելուց: Հարկ է նշել, որ անկախության խնդրում չկար միասնություն նաև ՀՅԴ շարքերում: Օրինակ, ՀՅԴ Բարձի կոմիտեն, որը շատ ինդիքներում համերաշխավում էր Ստ. Շահումյանի զյուսպորած Բարձի կոմունայի հետ, ոչ միայն դեմ արտահայտվեց անկախությանը, այլև այն որպես «հայ ժողովրդի կամքի» ուսնահարում³⁰: Անկախության խնդրում կար նաև հոգեբանական արգելք, որն ամենից առաջ նշանակում էր կորպել Ռուսաստանից:

Եվ, իրոք, Հայոց ազգային խորհուրդը տարակուսում էր այդ հարցում և դրա համար կային լուրջ հիմնապատճառներ: Դեռևս թարմ էր 1,5 մլն հայերի կորստի հիշողությունը, թշնամու գորքը գտնվում էր Երևանի մոտերքում, և թույլ ու անօգնական Հայաստանի անկախության հոչակումը, առանց քաղաքական ծանրակշիռ դիրքորոշումների ու երաշխիքների, կարող էր լուրջ սպառնալիքի տակ դնել արևելահայության գոյությունը: Հակառակ հայերի անկախության հարցում ամենենին չտատանվեցին վրացիները և աղբքանցիները: Նրանք չերկմտեցին այն պարզ պատճառով, որովհետև արդեն ունեին իրենց հովանավոր պետությունները՝ հանձինս Գերմանիայի և Թուրքիայի, իսկ Հայաստանը չուներ այդպիսին:

Հակառակ Հայոց ազգային խորհրդի անդամ կուսակցությունների՝ Ս. Դ. Հնչալյան կուսակցության անդրկովկայան կենտրոնական վարչությունը բուռն կերպով բողոք արտահայտեց Հայաստանի անկախության հայտարարության կապակցությամբ: Այդ որոշումը համարվեց ոչ օրինական, իսկ Ազգային խորհուրդը՝ որպես ինքնակոչ մարմին, որն «ուզուրպացիա է կատարում հայ ժողովրդի ազատ իրավունքների դեմ»³¹:

²⁸ ՀԱԱ, ֆ. 200, գ. 1, գ. 644, թ. 1:

²⁹ Ա. Բաբային աշխատանքների մասին հայության պատմությունից, Կահիրե, 1959, էջ 5-6:

³⁰ «Արև», 9. VI. 1918:

³¹ ՀԱԱ, ֆ. 4045, գ. 1, գ. 221, թ. 1:

Հայաստանի անկախության, թերևս, ամենաանհաշտ ընդդիմախոսը (հակառակորդը) հայ կոմունիստ-բոլշևիկներն էին: Նրանք չեն պատկերացնում Հայաստանի անջատումը և գոյությունը առանց Խորհրդային Ռուսաստանի: Համայնավարների պատկերացմամբ՝ այնպէս, ինչպէս որքը չի կարող ապրել առանց խնամակալի, նույնպէս և հայ ժողովուրդը չի կարող գոյատել առանց Ռուսաստանի:

Անկախության հարցում առավել ակտիվ էին հայ սոցիալ-դեմոկրատ մենշևիկներ Ա. Երզնկյանը, Ս. Փիրումյանը, ովքեր հետևում էին իրենց ավագ գործընկեր վրաց մենշևիկներին: Բայց տեղին է հիշեցնել, որ մի երկու տարի անց արդեն բոլշևիկի պատմուճան հազած այդ նույն Ա. Երզնկյանը «Մայիսի 28-ը» համարում էր «հայ աշխատավորության ստրկացման օր»³²:

Ակներև է, որ եթե Հայոց ազգային խորհուրդը տվյալ պահին իրեն չհայտարարեր հայկական զավառների գերազույն իշխանություն, ապա, ինչպէս վերը նշվեց, հայապատկան զավառները պարզապէս բաժին կդառնային հարևան թուրքերին, աղբքեցանցիներին և վրացիներին: Հարկ է նկատել, որ այդպէս էին վճռել նաև Կովկասի այն ժամանակվա փաստական տերերը՝ Գերմանիան և Թուրքիան: Եվ այս առնչությամբ միանգամայն հիմնազուրկ է Ա. Երզնկյանի և հետագայում նրան ձայնակցած շատ հեղինակների արտահայտած այն միտքը, թե մայիսի 28-ին Հայաստանի անկախացումը կատարվել է Թուրքիայի բռնի թելադրանքով³³: Այնինչ, փաստերը և դեպքերի ու իրադարձությունների տրամադրանությունը հուշում են, որ եթե խնդիրը թողնվեր Թուրքիային, ապա նա ոչ միայն Հայաստանը չէր «անկախացնի», այլև հնարավորության դեպքում, պանթուրքական ծրագրի համատեքստում, Անդրկովկասում ևս հայ չէր թողնի ու արևելահայոց հարցը կլուծեր արևմտահայոց նման: Այդ ժամանակ հարցական տակ էր դրված ոչ միայն Հայաստանի քաղաքական միավորի ինքնուրույն գոյությունը, այլև բուն արևելահայության ֆիզիկական գոյությունը:

Այս առումով հետաքրքրությունից գորկ չէ և այն, որ Հայաստանի ու հայ ժողովրդի հետագա ճակատագրի հարցում Թուրքիայի կառավարող շրջաններում գոյություն է ունեցել երկու հիմնական մոտեցում: Այդ մասին պատմում է Ալ. Խատիսյանն իր հուշերում: Դրանցից մեկը՝ առավել ծայրահեղ թերը, որը զիսավորում էր ռազմական նախարար Էնվեր փաշան, գտնում էր, որ հայերին պետք է հիմնովին բնաջնջել նաև Կովկասի մեջ և մեկրնդմիշտ ազատվել Հայկական հարցից: Մյուս հոսանքը, որը պաշտպանում էր մեծ վեզիր (վարչապէս) Թալեաթ փաշան, գտնում էր, որ անհնար է հայերին լիովին ոչնչացնել, ուստի ավելի լավ է հայերին ինչ-որ չափով գոհացում տրվի, որովհետև, եթե «նույնիսկ 100 000 հայեր մնան աշխարհի երեսին, մեզի հանգիստ պիտի չտան երբեք»³⁴: Նրա կարծիքով, հայկական մի փոքր պետության գոյությունը կարող էր պատնեշ, «բու-

³² Ա. Երզնկյան կամաց առաջնական պատարանին, Թիֆլիս, 1927, էջ 50:

³³ Նույն տեղում, էջ 50–51, Ա. Դարբինյան Հայ ազատագրական շարժման օրերեն, Փարիզ, 1947, էջ 435, Ս. Սերբյան Հայաստանի անկախության առջիվ, Գահիրե, 1950, էջ 9–10 և ուրիշներ:

³⁴ Ալ. Խատիսյան պատմության գոյությունը կարող էր պատնեշ, «բու-

ֆեր» լինել Թուրքիայի և նրա դարավոր թշնամի Ռուսաստանի միջև, իսկ մյուս կողմից անկախ Հայաստանի գոյությունը միջազգային հանրության շրջանում կարող էր հայացք ձևավորել, որ դրանով լուծվել է Հայկական հարցն ու այն կարիք չկա դրսի միջամտության: Ընդ որում, այդ փոքրիկ Հայաստանը ստեղծվելու էր ոչ թէ արևմտահայ հողի վրա, որը թուրքերն անվերապահորեն իրենցն էին համարում, այլ նախկին Ռուսական կայսրության տիրապետության տակ գտնվող արևելահայ մի հողակտորի վրա: Ի վերջո, այդ պայքարում ընդունվում է Թալեարթի տեսակետը:

Սակայն ստեղծված իրավիճակում անկախ Հայաստանի գոյությունը կարող էր և ժամանակավոր լինել, որովհետև դեպի Բաքու շտապող թուրքական զորքը մտադիր էր վերացնել հայկական պետությունը, չեր բացառվում նաև հայ ազգարնակշությունը: Եվ պատահական չափոր է համարել Ստամբուլում լուս տեսնող իթթիհատական «Ենի գյուն» («Նոր օր») պաշտոնական թերթում զետեղված Անդրկովկասի այն քարտեզը, որում չկար Հայաստանը՝ իբրև ազգային-պետական միավոր³⁵: Նույն կերպ հայկական պետականության ստեղծման մտադրություն չուներ նաև Գերմանիան, որը, ինչպես հայտնի է, որոշակի պատասխանատվություն էր կրում հայ ժողովրդի ճակատագրի հարցում: Նա էլ ինդրի լուծումը տեսնում էր հայկական տարածքները (զավառները) Վրաստանի և Աղրբեցանի միջի տարրապուծելու³⁶:

Կնշանակի Հայաստանի անկախության ակտը պատմական անհրաժեշտություն էր և ստեղծված պայմաններում չուներ այլրնտրանք:

Այդ օրերին հայ ժողովուրդն ունեցավ իր երկրորդ Ավարայրը: Մայիսվերջյան հաղթական շարաթը, փաստորեն, ծննց Հայաստանի անկախությունը: Կարելի է վստահ ասել, որ անկախությունը ձեռք բերվեց ոչ թէ Թիֆլիսում՝ Հայոց ազգային խորհրդի վախվորած ու հոգեմաշնիքությունը, այլ Սարդարապատում, Բաշ-Ապարանում և Ղարաքիլիսայում: «Մայիսի 28-ի» բանաձեռք իրավական վավերացումը եղավ Հայաստանում մղվող մայիսյան հաղթական հերոսմարտերի: «Սարդարապատի, Ղարաքիլիսեի և Բաշ-Ապարանի ճակատամարտերուն մեջ, գրում էր այդ մարտերի հերոսներից մեկը՝ Դրոն,՝ իր տարած անօրինակ հաղթանակներով՝ հայ ժողովուրդը տիրացավ ազատ և անկախ ապրելու անփոխարինելի բարիքին: Այդ ճակատամարտերն եղան պատճառ, որ տաճիկները հարկադրվեցին դաշինք կնքել հայերի հետ և ճանաչել Հայաստանի անկախությունը»³⁷:

1918 թ. մայիսի 28-ի պատմական որոշումից երկու շաբաթ անց՝ հունիսի 13-ին, նորրնտիր վարչապետ Հ. Քաջազնունին «դաշնակիցներին» և ընդհանրապես

³⁵ «Հորիզոն», 30. X. 1918.

³⁶ Armenia. Political and Ethnic Boundaries 1878–1948. London, Editor Anita L. P. Burdett, Archive Editions, 1998, p. 392.

³⁷ Դրոն, Երևան, 1991, էջ 107–108:

ի լուր աշխարհի պաշտոնապես հայտարարություն արեց՝ Հայաստանի անկախության մասին³⁸:

Այսպիսով, հարյուրամյակների ընդմիջումից հետո կրկին վերականգնվեց հայոց անկախ պետականությունը: Հայաստանի անկախության հոչակումը, իրավամբ, շրջադարձ եղավ հայ ժողովրդի քաղաքական և հոգևոր-մշակութային կյանքում: Դրանով կարելի է ասել, որ փակվում է հայ ժողովրդի ողբերգական և հերոսական դրվագներով հարուստ նոր պատմության ժամանակաշրջանն ու սկսվում նորագույն՝ հայկական պետականությունների պատմության դարաշրջանը:

ПУТЬ НЕЗАВИСИМОСТИ РЕСПУБЛИКИ АРМЕНИЯ (К 90-летию независимости)

АРАРАТ АКОПЯН

Р е з ю м е

Первая мировая война и русские революции 1917 г. привели к коренным изменениям и сдвигам в общественно-политической жизни Закавказья и Армении. Огромная Российская империя разрушилась и разделилась на части. В январе 1918 г., в результате нападения турецкой армии, события стали так развиваться, что Закавказье объявило свою независимость. Был создан Закавказский Комиссариат, затем – Закавказский Сейм. Но из-за острых внутренних противоречий это государственное объединение не оказалось жизнедеятельным и развалилось. Возникли три независимые республики: Грузия (26 мая), Азербайджан (27 мая) и Армения (28 мая). После нескольких столетий армянский народ вновь восстановил свою независимость. Провозглашение независимости Армении стало поворотным пунктом в политической и культурной жизни армянского народа. С момента независимости начинается новейшая эпоха армянской государственности. В этом и заключается смысл даты –28 мая.

THE WAY OF INDEPENDENCE OF THE REPUBLIC OF ARMENIA (To the 90th anniversary of independence)

ARARAT HAKOBYAN

S u m m a r y

The First World War and the Russian Revolutions of 1917 made fundamental changes in the social-political life of Transcaucasus and Armenia. The Great Russian Empire was destroyed and

³⁸ ՀԱՍ, ֆ. 200, գ. 1, զ. 35, թ. 146:

divided into parts. In January of 1918, as a result of Turkish invasion, the events grew in such a way that Transcaucasus declared its independence. At first Transcaucasian commissariat, later – Transcaucasian Diet was formed. But because of the inner problems this state formation was destroyed. Three separate Republics developed: Georgia (May 26), Azerbaijan (May 27) and Armenia (May 28). So, after a long interval Armenians again re-established their independence. The declaration of independent Armenia was a turning-point in the political and cultural life of the Armenians. After it a new historical epoch began in the state system of Armenia. So the 28th of May includes the meaning of Independence.